

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910041225 որոշումը բեկանելու և վարչական իրավախախտման վերաբերյալ գործը կարճելու մասին

<<ՕՐ>> 19 2019թ. 17-4-8835

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով ՀՀ ՔԿ ԵՔՎ Արաբկիր վարչական շրջանի քննչական բաժնի պետ Ա.Խաչատրյանի գրության քննարկման արդյունքում ստեղծված նյութերը՝

Պ Ա Ր Զ Ե Ց Ի

ՀՀ ՔԿ ԵՔՎ Արաբկիր վարչական շրջանի քննչական բաժնի պետ Ա.Խաչատրյանը 08.10.2019թ. հիմք-104684-19 գրությամբ հայտնել է, որ 03.09.2019թ. քաղաքացի Արման Անուշավանի Նավոյանը հաղորդմամբ և բացատրությամբ հայտնել է, որ իր ազգականի հետ ունեցած պարտքի պատճառով վերջինիս որդիները իրենց մտերիմների և մի քանի անձանց հետ միասին 2019թ. Օգոստոսի 26-ին ժամը-09:50-ի սահմաններում, մտել են իր Կիևյան 5 հասցեում գտնվող <<Սպորտային սնունդ>> խանութ, հարվածներ հասցրել իր մարմնի տարբեր մասերին, որից հետո սեղանի վրայից վերցրել են իրեն պատկանող բջջային հեռախոսը, NISSAN MAXIMA մակնիշի 80NV800 հաշվառման համարանիշի ավտոմոբիլի բանալիները և նշված ավտոմոբիլով հեռացել: Դեպքի առթիվ 06.09.2019թ. ՀՀ քրեական օրենսգրքի 322-րդ հոդվածի 2-րդ մասով հարուցվել է թիվ 14892619 քրեական գործը, կատարվում է նախաքննություն: Նախաքննության ընթացքում դեռևս չի պարզվել վերը նշված ավտոմոբիլի գտնվելու վայրը: Պարզվել է, որ դեպքից հետո՝ օգոստոսի 26-ին ժամը 09:58-ին ճանապարհային ոստիկանության կողմից լուսասանկարահանման միջոցով հայտնաբերվել է NISSAN MAXIMA մակնիշի 80 NV 800 հաշվառման համարանիշի ավտոմոբիլով կատարված մասնակցությամբ արձանագրված իրավախախտում Պտղունք գյուղի Մ5 ավտոճանապարհի 14կմ հատվածում, ինչի արդյունքում կայացվել է վարչական նշանակելու մասին որոշում և նշանակվել տուգանք՝ 18000 ՀՀ դրամի չափով, որի վերաբերյալ տուժող Արման Նավոյանը դիմում է ներկայացրել Արաբկիր վարչական շրջանի քննչական բաժնի՝ խնդրելով հայտնել իրավասու մարմիններին դադարեցնելու հիշյալ վարչական տույժի որոշման ընթացքը:

ՃՈ ՏՄՀԽԱ կենտրոնում կատարված ուսումնասիրության արդյունքում պարզվել է, որ NISSAN MAXIMA մակնիշի 80NV800 հաշվառման համարանիշի ավտոմոբիլով 26.08.2019թ. ժամը 09:58-ին կատարված և տեխնիկական սարքերի միջոցով հայտնաբերված իրավախախտման փաստով կայացվել է թիվ 1910041225 որոշումը ավտոմոբիլի սեփականատեր՝ Անահիտ Արայի Նավոյանի անվամբ:

Համաձայն Վարչական իրավախախտումների վերաբերյալ ՀՀ օրենսգրքի 32-րդ հոդվածի 3-րդ մասի՝ այն դեպքերում, երբ ճանապարհային երթևեկության կանոնի խախտումն ամրագրվել է տեսանկարահանման կամ լուսասանկարահանման միջոցով, ապա սույն օրենսգրքով նախատեսված վարչական պատասխանատվությունը կրում է տրանսպորտային միջոցի սեփականատերը, եթե չի ապացուցում, որ խախտումը կատարել է այլ անձ:

Տրանսպորտային միջոցի տնօրինող անձի վերաբերյալ անհրաժեշտ տվյալներ ստանալու նպատակով Ճանապարհային ոստիկանության կողմից բանավոր հարցում է կատարվել Արաբկիր վարչական շրջանի քննչական բաժնի, որին ի պատասխան թիվ 14892619 քրեական գործի վարույթը

իրականացնող քննիչը հայտնել է, որ համարավոր չէ անհրաժեշտ տեղեկատվություն ստանալու, քանի որ նշված դեպքի մասնակից անձինք գտնվում են հատախուզման մեջ և հայտնի չէ, թե իրավախախտման պահին ով է վարել NISSAN MAXIMA մակնիշի 80NV800 հաշվառման համարանիշի ավտոմոբիլը: Նշեց, որ նման տեղեկատվությանը չի տիրապետում:

Այսպիսով, ապացուցված է համարվում այն փաստը, որ NISSAN MAXIMA մակնիշի 80NV800 հաշվառման համարանիշի ավտոմոբիլը 26.08.2019թ. չի վարել սեփականատեր Անահիտ Արայի Նավոյանը, հետևաբար թիվ 1910041225 որոշումով ամրագրված իրավախախտման համար չի կարող կրել վարչական պատասխանատվություն, իսկ խախտում կատարած անձին պարզելու միջոցներն արդյունք չեն տվել և սպառվել են:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910041225 որոշումը բեկանել և վարչական իրավախախտումների վերաբերյալ գործը կարճել:

2. Սույն որոշման օրինակներն ուղարկել Ռաֆի Բադալյանին (հասցեն՝ ք.Երևան, Նորաշեն թղմ., 2.16, բն.34-96), Անահիտ Արայի Նավոյանին (ք.Երևան, Արաբկիր, Գուլակյան փ., տ.7) և ՏՄՀԽԱ կենտրոն:



Ե.Կարապետյան

Կատարող՝ Ա.Տիգրանյան